

TRIPLE REY DI TUMBA PAPITO RAFAEL NO TA PARTICIPA DEBI CU E KIER MIRA UN MIHOR ORGANIZACION....

**** E aña aki e triple Rey di Tumba consecutivo, Papito Rafael a declara na DEN AMBIENTE, cu e lo no participa y defende su titulo como Rey di Tumba.**

E motibo cu Papito a tuma e desicion aki, ta pa e simpel hecho cu e kier mira un organizacion stabil pa e festival di Tumba.

Durante e entrevista exclusivo extende cu e tres biha Rey di Tumba, el a expresa cu como Rey di Tumba nunca e no a haya e atencion mereci for di esnan responsable pa dune su merecido apoyo.

Segun Papito cu no ta ken cu ta, ta logra e titulo maximo tres aña consecutivo. E ta haya cu un tumbero cu logra e titulo maximo pa tres aña consecutivo, merece mucho mas pa loke el a ricibi.

Como Rey di Tumba, cada aña cu bo bay defende bo mes, esaki ta existi mucho mas, ya cu e publico tambe



ta existi un calidad y caliber di Tumba mas riba nivel cu esun anterior.

Tur esaki ta trece cu bo mester bin super bon, cua ta requeri un sacrificio di otro mundo. Pues pa logra mantene bo titulo, no ta algo facil ya cu mentalmente tin hopi factornan cu ta hunga un rol importante.

Como Rey di Tumba participante, bo no por presente cu kiko cu ta. Bo tin cu utiliza bo mihor compositor y areglista pa bay guera y tambe un banda solido, pa asina presenta un Tumba pa un i tur goza.

Pa Papito nunca problema pa haya compositor y

areglisa y mucho mas forma un excelente banda musical, ya ta ken no kier forma parti

DEN AMBIENTE



**** Fanaticonan fiel di Papito Rafael sumamente contento cu e titulo ricibi di nan idolo. Tambe nos por aprecia e manager incansable Rosa Rafael na man drechi di buk banda**

pa acompaña un triple Rey di Tumba !

Peroña bira tempo pa musica y organizadornan cu mester traha cu mas seriedad y duna valor merecidamente na un Rey di Tumba.

Mas Papito Rafael no kier a bay den detaye, pero e ta spera cu e proximo Rey di Tumba lo ricibi e merecido atencion y valor pa su titulo.

Papito Rafael ta desea tur e Tumberonan hopi exito...



**** Papito cu su dos trofeonan na aña 1994 como Rey di Tumba cu su banda "Lole Piet"...**



**** Un bunita gesto sin duda tabata na momento cu e dia siguiente cu Papito a conquista e corona como Rey di Tumba, el a hasi un bishita serca e Tata di Tumba Juancho Kock, kende tabata sufrir un quebrante di salud na Dr. Horacio Oduber Hospital...**



**** finalistanan, Juni de Freitas, Secundino Tromp, Papito Rafael (Rey di Tumba), Guy Raven, Richard "Tattoo" Quandt...**



**** Foto exclusivo di DEN AMBIENTE despues cu Papito a conquista e titulo un biha mas hunto cu su banda. (r.p.d.): Fio Wester, Erick Rafael, Andres Tromp, Ale Koeiman, Arnell Salsbach (areglista), Michael Winklaar, Erick Lake, Demitre Frans, Humphrey Hower. Di buk: Gerald Martis, Earl Orman, Secundino Tromp (participante), Papito Rafael (Rey di Tumba), George y Marlon Mercera...**